




Broj: 02-02-1- sl./25

Goražde, 12.03.2025, godine



GRADSKO VIJEĆE GORAŽDA

PREDMET: Dostava nacrtu Odluke o utvrđivanju kriterija za sufinansiranje troškova prevoza sportskim klubovima u ligaškom sistemu takmičenja.-

U prilogu ovoga akta dostavljam Vam nacrt Odluke o utvrđivanju kriterija za sufinansiranje troškova prevoza sportskim klubovima u ligaškom sistemu takmičenja radi razmatranja.

S' poštovanjem!

DOSTAVLJENO:

1. Naslovu,
2. U dosije.-



GRADONAČELNIK

Ernest Imamović

Na osnovu članova 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj: 49/06), člana 17. i 88. Statuta grada Goražda ("Službene novine Grada Goražda", broj: 5/18), Gradsko vijeće Grada Goražde, na sjednici održanoj dana 2025. godine, d o n o s i:

O D L U K U

o utvrđivanju Kriterija za sufinansiranje troškova prevoza sportskim klubovima u ligaškom sistemu takmičenja

Član 1.

Ovom Odlukom utvrđuju se kriteriji za sufinansiranje troškova prevoza sportskim klubovima sa sjedištem na području Grada Goražda u ligaškom sistemu takmičenja (u daljem tekstu: sufinansiranje) iz Budžeta Grada Goražda.

Član 2.

Pod troškovima prevoza u smislu ove Odluke podrazumijevaju se troškovi prevoza ostvareni putem registrovanog pružaoca usluga prevoza putnika u vremenskom periodu neposredno prije ili nakon održavanja utakmica u ligaškom sistemu takmičenja.

Član 3.

Pod sufinansiranjem u smislu ove Odluke podrazumijevaju se učešće u finansiranju troškova prevoza sportskim klubovima u ligaškom sistemu takmičenja za jednu takmičarsku sezonu podijeljenu na dva dijela i to: prvu i drugu takmičarsku polusezonu koje se isplaćuje u dvije budžetske godine.

Član 4.

Pravo prijave na Javni poziv za sufinansiranje troškova prevoza imaju sportski klubovi koji ispunjavaju sljedeće opće uslove:

1. Da je sportski klub registrovan u skladu sa odredbama Zakona o udruženjima i fondacijama Federacije Bosne i Hercegovine.
2. Da je sportski klub registrovan u skladu sa odredbama Zakona o sportu Bosansko – podrinjskog kantona Goražde.
3. Da sportski klub ima sjedište na području Grada Goražda.
4. Da je sportski klub uključen u redovni sistem ligaškog takmičenja granskog saveza.
5. Da je mjesto održavanja utakmica sportskih klubova u oba smjera udaljeno najmane 180 km.

Član 5.

Iznos sredstava za sufinansiranje troškova prevoza utvrđuju se prema sljedećem kriterijima:

Takmičarske selekcije: seniori, juniori, kadeti i pioniri			
Naziv kriterija	50% iznosa sufinansiranja	50% iznosa sufinansiranja	
	Kriterij 1. Iznos sufinansiranja za takmičenje čije je mjesto održavanja udaljeno najmanje 180 km sjedišta kluba u oba smjera	Kriterij 2. Iznos sufinansiranja za takmičenje čije je mjesto održavanja udaljeno najmanje 180 km sjedišta kluba u oba smjera za ekipe koje broje 15 i manje članova	Kriterij 3. Iznos sufinansiranja za takmičenje čije je mjesto održavanja udaljeno najmanje 180 km sjedišta kluba u oba smjera za ekipe koje broje 16 i više članova
Način utvrđivanja	Utvrđuje se Zaključkom gradonačelnika Grada	Utvrđuje se Zaključkom gradonačelnika Grada	Utvrđuje se Zaključkom gradonačelnika Grada

iznosa sufinansiranja	Goražda za svaku takmičarsku polusezonu srazmjerno na osnovu broja kilometara i visine predviđenih novčanih sredstava utvrđenih Budžetom i Odlukom o izvršavanju Budžeta Grada Goražda na ekonomskom kodu 614 311-5 –Transfer za projekte iz sporta	Goražda za svaku takmičarsku polusezonu na osnovu visine novčanih sredstava utvrđenih Budžetom i Odlukom o izvršavanju Budžeta Grada Goražda na ekonomskom kodu 614 311-5 –Transfer za projekte iz sporta, uz primjenu koeficijenta 1 (kategorija A).	Goražda za svaku takmičarsku polusezonu na osnovu visine novčanih sredstava utvrđenih Budžetom i Odlukom o izvršavanju Budžeta Grada Goražda na ekonomskom kodu 614 311-5 –Transfer za projekte iz sporta, uz primjenu koeficijenta 2 (kategorija B).
----------------------------------	---	---	---

Opis kategorije

Kategorija A (manji iznos sufinansiranja)	Kategorija B (veći iznos sufinansiranja)
Utvrđuje se važećim sportskim pravilima granskog saveza ili zapisnikom sa utakmice s tim da se kao parametar uzima maksimalan broj igrača koji može ući u zapisnik utakmice (15 igrača i manje)	Utvrđuje se na osnovu važećih sportskih pravila granskog saveza ili zapisnika sa utakmice s tim da se kao parametar uzima maksimalan broj igrača koji može ući u zapisnik utakmice (16 igrača i više)

Način prijave

Popunjen Obrazac SP - 1 sa naznačenom takmičarskom selekcijom;
Dostavljena dokumentacija predviđena obrascem prijave.

Formiranje Liste dobitnika sredstava za sufinansiranje

Listu dobitnika sredstava za sufinansiranje formira se za jednu polusezonu za svaku takmičarsku selekciju.
Listu dobitnika sredstava za sufinansiranje čine sljedeći zvanični podaci:

- Naziv takmičarske selekcije;
- Određenje polusezone;
- Određenje kategorije;
- Naziv sportskog kluba kojem se vrši sufinansiranje;
- Ukupan broj prihvatljivih kilometara za sufinansiranje po ekipama;
- Ukupna visina sufinansiranja za jednu polusezonu koja je dobijena na osnovu predviđenih kriterija iznosa raspoloživih sredstava utvrđena Zaključkom Gradonačelnika za jednu polusezonu.

Član 6.

Sufinansiranje se isplaćuju u dva dijela, a nakon provedene procedure i to:

1. Javni poziv - raspisan od strane gradonačelnika Grada Goražda u prvoj polovini oktobra za tekuću godinu u trajanju od 15 dana.
2. Komisija za provođenje procedure dodjele sufinansiranja – formirat će se od strane gradonačelnika Grada Goražda (rok završetka svih aktivnosti 15 dana za prvu takmičarsku polusezonu te 10 dana od donošenja Zaključka gradonačelnika Grada Goražda o visini sufinansiranja za drugu takmičarsku polusezonu);
3. Donošenje Zaključka gradonačelnika Grada Goražda o visini sufinansiranja kraj oktobra početak novembra tekuće godine za prvu takmičarsku polusezonu te 10 dana po usvajanju Budžeta Grada Goražda tekuće godine za drugu takmičarsku polusezonu uz konsultaciju sa Komisijom za provođenje procedure dodjele sufinansiranja zbog tačnog određenja moguće visine sufinansiranja shodno broju urednih prijava;
4. Preliminarne liste po takmičarskim selekcijama za jednu takmičarsku polusezonu - objavljena od strane gradonačelnika Grada Goražda na prijedlog Komisije za provođenje procedure dodjele

sufinansiranja- najkasnije 5 dana od dana donošenje Zaključka gradonačelnika Grada Goražda o visini sufinansiranja.

5. Podnošenje prigovora gradonačelniku Grada Goražda na Preliminarne liste po takmičarskim selekcijama za jednu takmičarsku polusezonu - 8. dana od dana objave Preliminarnih lista po takmičarskim selekcijama);
6. Konačna Lista dobitnika – objavljena od strane gradonačelnika Grada Goražde najkasnije 8 dana nakon isteka roka prigovora na Preliminarne liste po takmičarskim selekcijama za jednu takmičarsku polusezonu.
7. Zaključivanje Ugovora o sufinansiranju kojim će se pobliže urediti prava i obaveze korisnika - nakon provedene zakonske procedure za zaključivanje Ugovora za prvu polusezonu pa zatim zaključivanje Ugovora za druge polusezone u dvije budžetske godine.

Član 7.

Služba za društvene djelatnosti vodi evidenciju o korisnicima sufinansiranja troškova prevoza.

Član 8.

Korisnik sufinansiranja gubi pravo na sufinansiranje, ako u toku takmičarske sezone:

- izgubi status pravnog lica,
- dobije zabranu obavljanja sportskih aktivnosti i djelatnosti,
- bude isključen iz redovnog sistema ligaškog takmičenja,
- da netačne podatke na osnovu kojih mu je odobrena subvencija,
- ne dostavi prihvatljiv narativni i finansijski izvještaj za prethodnu subvenciju.

Korisnik sufinansiranja je dužan u roku od tri mjeseca od nastupanja okolnosti iz stava 1. alineja 1., 2. i 3. ovog člana, obavijestiti davaoca sufinansiranja o nastalim okolnostima.

Član 9.

Korisnik sufinansiranja dužan je po završetku dijela takmičarske sezone za koju je dobio sufinansiranje dostaviti narativni i finansijski izvještaj na Obrascu SP – 2.

Narativnim i finansijskim izvještajem se dokazuje namjensko trošenje sredstava dobijenih od strane Grada Goražda za sufinansiranje (kopije računa - faktura za prevoz i izvoda iz banke).

Član 10.

Sastavni dio ove odluke su i Obrasci SP -1; SP -2.

Član 11.

Ova Odluka stupa na snagu 8 dana od dana objavljivanja u “Službenim novinama Grada Goražda”.

Broj:
2025. godine
G o r a ž d e

PREDSJEDAVAJUĆI
GRADSKOG VIJEĆA

Bajro Obuća

Obrazloženje

Grad Goražde kao društveno odgovorna jedinica lokalne samouprave je opredjeljena za podršku sportu i sportskim klubovima. S ciljem dodatne podrške sportu predlažemo da razmotrite i usvojite predloženu odluku. Odluka i Budžet Grada Goražda će omogućiti da sportski klubovi sa područja grada Goražda koji učestvuju u ligaškim takmičenjima imaju pravo da na osnovu javnog poziva i u transparentnom procesu ostvare pravo na sufinansiranje troškova prevoza takmičara na ligaška takmičenja izvan Goražda. Prevoz takmičara odnosno troškovi prijevoza su so sada bili veliki problem i veliko opterećenje za klubove. Usvajanjem Odluke navedeni problem će biti znatno smanjeni. Od visine odobrenog koda u Budžetu Grada Goražda za tekuću godinu će ovisiti i procenat sufinansiranja sportskih klubova, a s ciljem odlaska na utakmice. Odluka će doprinjeti i dodatnom razvoju sporta u Gradu Goraždu i boljim uspjesima sportskih klubova u ligaškim takmičenjima u FBiH i BiH.

GRADONAČELNIKA
ERNEST IMAMOVIĆ



OBRAZAC PRIJAVE
(sufinansiranje troškova prevoza sportskim klubovima u ligaškom sistemu takmičenja)

Klub:

RB	OSNOVNI PODACI			
1.	ID broj:			
2.	Lice ovlašteno za zastupanje i predstavljanje			
3.	Adresa			
4.	Kontakt telefon			
5.	Broj računa u banci			
6.	Naziv banke			
7.	Naziv takmičenja			
8.	Uzrasna kategorija			
9.	Takmičarska sezona			
	PUTOVANJA NA UTAKMICE			
	Naziv ekipe	Mjesto	Broj kilometara u jednom smjeru (ViaMichelin web stranica)	Broj kilometara u oba smjera (ViaMichelin web stranica)
1.				
2.				
3.				
4.				
5.				
6.				
7.				
8.				
9.				
10.				

*Broj kilometara se obračunava najkraćom asfaltnom rutom namijenjenom za nesmetan saobraćaj u dva smjera, ne uzimajući kao početnu ili završnu rutu relaciju Goražde – Prača ...)

Datum:

MP. Lice ovlašteno za zastupanje i predstavljanje

Dokumentacija koja se dostavlja u prilogu:

1. Rješenje o registraciji izdato u skladu sa odredbama Zakona o udruženjima i fondacijama FBiH.
1. Rješenje o registraciji izdato u skladu sa Zakonom o sportu BPK Goražde.
2. Bilten lige odnosno zvaničan raspored takmičenja za takmičarsku sezonu za koju se podnosi zahtjev za sufinansiranje troškova prevoza sportskim klubovima u ligaškom sistemu takmičenja.
3. Sportskih pravila granskog saveza ili zapisnika utakmice kao dokaz maksimalnog broj igrača koji može ući u zapisnik utakmice.

Napomena:

1. Za svaku takmičarsku selekciju podnosi se poseban obrazac
2. Ukoliko jedan sportski klub dostavlja obrasce za više takmičarskih selekcija Rješenja o registraciji dostavljaju se samo uz jedan obrazac.

NARATIVNI I FINANSIJSKI IZVJEŠTAJ O UTROŠKU SREDSTAVA
(sufinansiranje troškova prevoza sportskim klubovima u ligaškom sistemu takmičenja)

Klub:

RB	Podaci o sufinansiranju troškova prevoza sportskim klubovima u ligaškom sistemu takmičenja				
1.	Prvi dio takmičarske sezone – visina subvencije				
2.	Drugi dio takmičarske sezone – visina subvencije				
3.	Takmičarske selekcije				
	Ukratko opisati najznačajnije efekte sufinansiranja troškova prevoza				
Specifikacija troškova					
	Broj računa/fakture	Naziv pravnog lica kome je izvršeno plaćanje	Broj izvoda iz banke	Datum transakcije	IZNOS
1.					
2.					
3.					
4.					
5.					
6.					
7.					
8.					
9.					
10.					
11.					
12.					
13.					
14.					
15.					
16.					
17.					
18.					
19.					
20.					
21.					
22.					

Ukupno KM: _____

Datum:

MP.

Lice ovlašteno za zastupanje i predstavljanje

Napomena:

U prilogu ovog Obrasca dostavlja se knjigovodstvena dokumentacija u koju ulazi kopije računa - faktura za prevoz i izvod iz banke kao dokaz izvršenog plaćanja.